

nosisch Salz mit Spiritu Vini digeriret / er davon roth wird / aber nicht beständig / sondern gleich wie mit dem Sale Tartari geschicht / muß verstanden werden / dann so man dasselbe durch die rectification wieder von dem Spiritu Vini scheidet / ein jedes weder (nemblich das Salz vnd Spiritus Vini) seine vorige Gestalt wiederumb erlanget / darauff zu spüren / daß es (wie oben gesagt) kein wahre Zinctur gewesen sey / wer solches nicht glaubet / der solvire nur 1. Unß gemeinen weissen Salis Tartari in einem Pfundt Spiritus Vini, so wird derselbe roth davon werden / gleich als were er vber viel Pfundt blau oder grün calcinirten Salis Tartari lange Zeit gestanden / vnd wann ich solches nicht etlich mahl probiret / vnd also befunden hätte / were ich auch solcher Meynung geblieben / weilen ich aber anders befunden / hab ich auch nicht vnterlassen können / meine Meynung hieher zu setzen / wiewol ich weiß / daß ich Vndancß bey etlichen verdienen werde / sonderlich bey denen / welche lieber mit dem grösseren Hauffen irz gehen / als mit dem kleineren die Wahrheidt erkennen vnd bekennen wollen. Daß aber darumb solche vermeinte Tinctura Salis tartari krafft-loß seyn sol / sage ich nicht / dann ich wol weiß / daß dieselbe in vielen Kranckheiten ersprießlich befunden wirdt / dann das reineste Theil Salis tartari, der Spiritus Vini (davon er also gefärbet ist) solviret hat / darumb man solchen gefärbten Spiritum Vini wol vnd füglich gebrauchen kan. Mit dieser Zinctur aber welche auß dem berentem Kifling